


Golaux Buenzvuengz Yauzcuz Hocouh

□ Godoq comz hoiz



▲ Baiq Buenzvuengz seiz-haenx cungj aeu ciengq Golaux Buenzvuengz.

▲ Bonj sawfwngcau 《Golaux Buenzvuengz》.



▲ Gaiq siengq Buenzvuengz.

Youq Gvangjsih Hocouh Si ranghdieng Yauzcuz comzyouq, vunz Yauzcuz gvaq aenciet Buenzvuengz seizhaenx guh aen yizsi boiz simmuengh hawj Buenzvuengz. Guh aen yizsi neix ne bouxsae, canghfwen, bouxcawj doengzcaez ciengq seilzisi Yauzcuz 《Golaux Buenzvuengz》. 《Golaux Buenzvuengz》 ndaej vunz-biengz haenx guh bonj sawhung seigo, dwg aen' gyaeng dijbauij cang vwnzva yisuz youz vunz Yauzcuz doengzcaez cau'ok haenx.

《Golaux Buenzvuengz》 youh heuhguh 《Saw Golaux》 《Saw Roen-hung》 daengi, miz cibbet duenh, ngeihcibsei duenh caeuq samcib-roek duenh sam cungj saw; sam bonj saw ndawde mizdi haenqrengz yienh'ok biengz Yauzcuz doenghgi gojsienbaed, lizsij, cwngci, ginghei daengi, mizdi haenqrengz yienh'ok nungzyez caeuq vwnzva yisuz; gak cungj saw doxcuq doxrongh, neix hawj 《Golaux Buenzvuengz》 baihdaw geiq miz "doxgaiq" engq lai engq ndeiawj. Gyoengqvunz Yauzcuz guh

hozdueng boiz simmuengh hawj Buenzvuengz seizhaenx ciengq gak cungj go, neix vunzbiengz dawz gij go neix geiq haeuj ndaw bonj sawfwngzgaem bae, couh miz le doenghgi bonj sawfwngzgae 《Golaux Buenzvuengz》 ndawde miz go lai cungj lai yiengh, neiyungz lai cungj lai yiengh haenx, yienghneix guh le couh hawj 《Golaux Buenzvuengz》 miz haujlai bonj baihdaw mbouj dox-doengz haenx.

《Golaux Buenzvuengz》 dwg bouh saw gogeq golizsij youz vunz Yauzcuz daih dam daih geiq le comz hwnj-daeuj, doenggvaq geiq ndei gij saehcaen gaxgonq caeuq ciengzmienh saedceij hungmbwk, baijok vwnzva geq Yauzcuz ndawde doenggij goek-gaen daeuz, hwngfat baenzlawz yiengh caeuq miz maz yinxdaeuz maezvunz, lumj soh gangj simngeix hoznaemj ityiengh nei baijok doengh-gij vwnzva minzcuz gagmiz youh hungmbwk caeuq cingsaenz minzcuz gagmiz gvendaengz vunz Yauzcuz; dwg gij gyonjcomz caeuq yienh'ok

gvendaengz lizsij vwnzva Yauzcuz, neix ndaej vunzbiengz dangguh doenghyienh lumj doenghduz doenghgo daj ciuqgeq lix daengz seizneix haenx aeu daeuj yenzgiu vwnzva Yauzcuz.

Ciuq vunz lwnh, gaxgonq vunz Yauzcuz banbiengz hamj haij seizhaenx, bungz deng rumz haenq langh hung, couh gouz Buenzvuengz, lwnh simmuengh, neix le couh ndaej bingzonj hamj haij lo; daengzlaeng vunz Yauzcuz couh mbouj dingh seiz "boiz simmuengh hawj Buenzvuengz". Vunz Yauzcuz dwg vunz-daihlaeng Buenzvuengz, vihliux geiqniemh Buenzvuengz, gyoengqvunz Yauzcuz moix bi cungj gvaq Cietbuenzvuengz. Gvaq aen ciet neix caeuq guh hozdueng "boiz simmuengh hawj Buenzvuengz", cungj aeu bouxsadauh ciengq 《Golaux Buenzvuengz》.

Geij bi gyawj neix, vunzbiengz aeu 《Golaux Buenzvuengz》 guh goek, bien aen cezmuiz sei foux yinhyoz hung youq gwnz daihheiq yienj, neix vunz lai maij yawj haenx ndei, baenz le Cietbuenzvuengz ndawde aen cezmuiz miz daegsaek lai dangqmaz youh yienhda raixcaix.

Bi 2010, golaux Buenzvuengz Yauzcuz Hocouh ginggvaq Gvangjsih Bouxcuengh Swcigih Yinzminz Cwngfuj doengzeiq, ndaej lied hauj daihsam buek swcigih gaep feihvuzciz vwnzva yizcanj mingzloeg.



▲ Sai mbwk caez ciengq Golaux Buenzvuengz.



▲ Gyoengqvunz Yauzcuz daenj ndei dangqmaz dingq Golaux Buenzvuengz.




▲ Hopngomx ciengq Golaux Buenzvuengz boiz simmuengh hawj Buenzvuengz.



▲ Vunz Yauzcuz angq diuq angq ciengq Golaux Buenzvuengz.



▲ Heij ciengq Golaux Buenzvuengz.



▲ Golaux Buenzvuengz ndaej oksaw lo.